



Pronađeno više od 70 kg opojne droge, slobode lišene četiri osobe

26.06.2024

Policijski službenici Federalne uprave policije, Odjeljenja za borbu protiv zloupotrebe droga su dana 25. i 26.06.2024.godine u sklopu višemjesečne istrage kodnog naziva „Rapid“ poduzimali mjere i radnje iz svoje nadležnosti na području Sarajeva, Istočnog Sarajeva i Konjica s ciljem sprečavanja proizvodnje i stavljanja u promet opojne droge. Pod nadzorom Kantonalnog tužilaštva Kantona Sarajevo, a po Naredbama Kantonalnog suda u Sarajevu izvršeno je više pretresa lica, objekata i motornih vozila, a vezano za dokumentovanje krivičnog djela „Neovlaštena proizvodnja i stavljanje u promet opojnih droga“ iz člana 238. Krivičnog Zakona Federacije Bosne i Hercegovine.

U sklopu navedenih aktivnosti, slobode su lišena lica inicijala A.V. (1991) iz Sarajeva, M.M. (1996) iz Sarajeva, O.Č. (1992) iz Konjica i Z.N. (1984) iz Istočnog Sarajeva, zbog postojanja osnova sumnje u izvršenje navedenog krivičnog djela, kojom prilikom je pronađeno i privremeno oduzeto cca sedamdesetčetiri (74) kilograma opojne droge Amfetamin, cca dvanaest (12) litara Amfetaminskog ulja, cca jedan (1) kilogram Amfetamin crystal-ice, devet (9) pvc pakovanja sa više stotina tableta (ectasy), vatreno oružje i municija, više telefonskih aparata i SIM kartica, vaga za precizno vaganje, folije i drugi pribor za proizvodnju i pakovanje opojne droge. U prethodnom periodu kod saradnika predmetne organizovane kriminalne grupe pronađeno je i privremeno oduzeto cca osam (8) kilograma opojne droge Amfetamin.

Navedene osobe se sumnjiče da su na području Kantona Sarajevo, Srednjobosanskog kantona, Zeničko-Dobojskog kantona i Hercegovačko Neretvanskog kantona, neovlašteno proizvodili i nabavljali opojnu drogu Amfetamin koju su u iznamljenom stanu proizvodili, pripremali i pakovali radi daljnjeg stavljanja u promet trećim licima, te su prilikom pretresanja pronađeni i drugi predmeti koji potiču ili se dovode u vezu sa predmetnim krivičnim djelom.

U radnjama dokumentovanja izvršenja krivičnog djela „Neovlaštena proizvodnja i stavljanje u promet opojnih droga“ iz člana 238. Krivičnog Zakona Federacije Bosne i Hercegovine poseban doprinos dali su službenici Obavještajno sigurnosne agencije Bosne i Hercegovine, te policijski službenici Ministarstva unutrašnjih poslova Srednjobosanskog kantona, Zeničko-Dobojskog kantona, Hercegovačko Neretvanskog kantona i Ministarstva unutrašnjih poslova Republike Srpske.

Predmetne osobe su kriminalistički obrađene i predate u daljnju nadležnost Kantonalnog tužilaštva Kantona Sarajevo, koje će odlučivati o njegovom daljnjem statusu.



ZADNJE VIJESTI

U velikoj policijskoj akciji, slobode lišeno sedam lica sa područja Kantona Sarajevo

Pronađeno više od 70 kg opojne droge, slobode lišene četiri osobe

Bilten za dan 25/26.06.2023. godine

KALENDAR

June 2024						
M	T	W	T	F	S	S
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

« May